



Broj: 07-05-sl./16
Ilijaš, 18.04.2016.godine

STRUČNA SLUŽBA OPĆINSKOG VIJEĆA I
OPĆINSKOG NAČELNIKA

**ODGOVORI NA VIJEĆNIČKA PITANJA I INICIJATIVE SA 39.SJEDNICE
OPĆINSKOG VIJEĆA ILIJAŠ održane 31.03.2016.godine**

Ilijaš, april 2016.godine

Ul. 126. ilijaške brigade br. 6. 71380 Ilijaš
Tel. ++387 33 580-620, 580-690, fax. 400-505,
Transakcijski račun kod VAKUFSKE BANKE, d.d. Sarajevo: 16020000000710645
e-mail o_ilijas@bih.net.ba



MAHIR DEVIĆ – vijećnik SDA

Inicijativa:

1. Pokrećem inicijativu da općinski načelnik putem nadležne službe i nadležnih u Kantonu Sarajevo, koordiniranom aktivnošću iznađu rješenje uspostave trajnog i sistemskog funkcionisanja Ambulante porodične medicine u punom radnom vremenu u Mrakovu.

Obrazloženje: Na 30.(tridesetoj) sjednici Općinskog vijeća Ilijaš od 30.04.2015. godine, postavljano je slično pitanje, ali od tada do danas ništa se nije primijenilo. Također, Savjet MZ Mrakovo u 2014. i 2015. godini od menadžmenta JU "Dom zdravlja" Kantona Sarajevo, tražio je uspostavljanje trajnog i sistemskog rješenja zdravstvene zaštite građana MZ Mrakovo, cijeneći statističke i demografske pokazatelje, gdje postoje optimalni uslovi za uspostavljanje kvalitetne zdravstvene zaštite građana barem od jednog tima doktora porodične medicine. Od nedavno je počela sa radom i Apoteka u Mrakovu sa punim radnim vremenom koja može puno doprinijeti na jačanju svijesti građanada intenziviraju prenošenje zdravstvenih kartona po mjestu prebivališta što bi bilo i logično, a i jedno od rješenja za građane MZ Mrakovo. Organi MZ Mrakovo čine stalne napore da motivišu građane govoreći im da su i oni djelimično odgovorni za trenutno stanje, ali ne gube nadu, jer postoje svi uslovi da se na ovom području ozbiljnije razvijaju navedene usluge (posebno u prevenciji).

Odgovor:

Vijećničku inicijativu smo uputili JU "Dom zdravlja Kantona Sarajevo" i OJ Dom zdravlja Ilijaš i dobili odgovor koji Vam dostavljamo u prilogu.

Prilog: Akt JU "Dom zdravlja Kantona Sarajevo" broj: 01-05-1759-2/16 od 19.04.2016.g., i Akt Organizacije jedinice Dom zdravlja Ilijaš broj:01-19-267/16 od 12.04.2016.g.

AKIF BEŠLIJA – vijećnik SBB-a

Inicijative:

1. Pokrećem inicijativu da se riješi problem kontinuiranog pregleda i savjetovanje dijabetologa u Domu zdravlja Ilijaš.

Obrazloženje: Poznato nam je da je petkom, već duži vremenski period radio doktor dijabetolog u DZ Ilijaš, gdje trenutno oko 2000 pacijenata je oboljelo od dijabetesa. Dijabetolog je vodio kontinuirano liječenje i savjetovanje svih pacijenata, ali zbog nekih tehničkih problema na nivou Doma zdravlja, dijabetolog je prestao dolaziti. Sve to znači da svi ovih pacijenti sa područja Općine Ilijaš moraju liječenje i savjetovanje potražiti u drugim domovima zdravlja ili čekati da se tehnički problemi riješe, a bolest uznapreduje. Molim vas da zbog ozbiljnosti ovakvog vida oboljenja u što skorije vrijeme po mogućnosti ODMAH ovaj problem riješite.

Odgovor:

Vijećničku inicijativu smo uputili JU "Dom zdravlja Kantona Sarajevo" i OJ Dom zdravlja Ilijaš i dobili odgovor koji Vam dostavljamo u prilogu.

Prilog: Akt JU "Dom zdravlja Kantona Sarajevo" broj: 01-05-1759-2/16 od 19.04.2016.g., i Akt Organizacije jedinice Dom zdravlja Ilijaš broj:01-19-267/16 od 12.04.2016.g.

2. Pokrećem inicijativu da se riješi problem kontinuiranog pedijatrijskog pregleda u drugoj smjeni najmlađih građana Općine Ilijaš, u Domu zdravlja Ilijaš.

Obrazloženje: Naime, radi se o tome da je dugogodišnja pedijatričarka dr. Eminagić Diba otišla u zasluženu penziju, a drugi pedijatar na dugotrajno bolovanje, tako da je DZ Ilijaš ostao na uslugama jednog pedijatra i to u prvoj smjeni. Saznanjima sa terena kada je u pitanju pedijatar situacija u DZ Ilijaš je gora nego prije pet godina, kada su radila dva pedijatra u obje smjene. Također je problem i sa školskim dispanzerom, gdje radi jedan ljekar i sa zdravom i sa bolesnom djecom (zdrava djeca-redovna vakcinacija i sistematski pregled). Samim tim u drugoj smjeni bolesna djeca svoje preglede mogu ostvariti samo u Sarajevu, jer i pored dobre volje službi porodične medicine ti ljekari nisu pedijatri i po Zakonu ne mogu raditi sa djecom. Da stvar bude gora, djeca zbog inhalacije i injekcija moraju ići dva puta u Sarajevo, a sve to izaziva materijalna sredstva. Zbog svega navedenog potrebno je što prije riješiti ovaj evidentni problem.

Odgovor:

Vijećničku inicijativu smo uputili JU "Dom zdravlja Kantona Sarajevo" i OJ Dom zdravlja Ilijaš i dobili odgovor koji Vam dostavljamo u prilogu.

Prilog: Akt JU "Dom zdravlja Kantona Sarajevo" broj: 01-05-1759-2/16 od 19.04.2016.g., i Akt Organizacije jedinice Dom zdravlja Ilijaš broj: 01-19-267/16 od 12.04.2016.g.

SELVER HERIĆ – vijećnik SDP-a

Pitanja:

1. Regulisati grijanje u područnim školama Srednje, Gajevi, Dragoradi i Kamenica kako bi izbjegli grijanje na bubnjare i slično.

Odgovor:

Općina Ilijaš kontinuirano u saradnji sa Ministarstvom za obrazovanje, nauku i mlade Kantona Sarajevo i upravama škola stvara adekvatne uslove za boravak i rad kako učenika tako i nastavnog osoblja. Centralna škola u Srednjem ima centralno grijanje, kao i područna škola u Dragoradima. Područne škole u Gajevima i Kamenici zagrijavaju se putem peći na čvrsto gorivo.

Općina Ilijaš će u narednom periodu u saradnji sa Ministarstvom za obrazovanje, nauku i mlade Kantona Sarajevo i upravom škole u Srednjem, a u skladu sa finansijskim mogućnostima pokušati riješiti zagrijavanje područnih škola u Gajevima i Kamenici na adekvatniji način.

Općina Ilijaš kontinuirano u saradnji sa Ministarstvom za obrazovanje, nauku i mlade Kantona Sarajevo i upravama škola aplicira na projekte koji se odnose na utopljanje škola kod viših nivoa vlasti, kao i drugih fondova i donatora koristeći pri tome i sredstva općinskog budžeta kako bi stvorili uslove za što ugodniji boravak učenika i rad škola na području općine Ilijaš.

AIDA MALIŠEVIĆ – vijećnica Stranke za Srednje

Inicijativa:

1. Pokrećem inicijativu da se u toku 2016. godine iz budžetskih sredstava izvrši adaptiranje igrališta u Srednjem i izgradnja "zabavnog parka" da bi djeca i omladina mogla to da koriste. Napominjem da u Srednjem ima samo jedno asfaltirano igralište, tačnije kod Spomen doma i zaista je žalosno da se ono ne može urediti (postaviti koševе, golove, ograditi igralište, postaviti tobogane itd.). Znači, nešto minimalno tražimo. Imam informaciju da u poslije-ratnom periodu nije bilo nikakvih ulaganja na tom planu.

Odgovor:

Služba za društvene djelatnosti podržava pomenutu inicijativu i u narednom periodu predlaže da se uradi idejno rješenje sa predmjerom i predračunom radova za potpunu adaptaciju postojećeg igrališta i da se planiraju novi sadržaji na istom. Obzirom da je Budžet općine Ilijaš za 2016.godinu usvojen, ove aktivnosti bi trebalo pokrenuti i planirati realizaciju u 2017.godini.

MARIONETA ILIĆ-JURETA – vijećnica SDP-a

Sviđa mi se inicijativa kolegice Aide Mališević i predlažem da se obidu i poprave sva igrališta na području Općine Ilijaš.

Odgovor:

Općina će i dalje u kontinuitetu vršiti intervencije na igralištima na području općine Ilijaš u skladu sa finansijskim mogućnostima.

DAMIR FILIPOVIĆ – predsjedavajući Općinskog vijeća

Inicijative:

1. Da općinski načelnik Odlukom o preraspodjeli sredstava izdvoji određenu sumu novca kojom bi se obezbijedilo interventno vozilo za Dom zdravlja Ilijaš.

Obrazloženje: Disperzija terena Općine Ilijaš zahtjeva da se poboljša mobilnost timova za zdravstvenu zaštitu, pogotovo u ljetnom periodu zbog velikih vrućina, kada su povećane mogućnosti srčanih i moždanih udara.

Odgovor:

U ovoj godini nije moguće izvršiti preraspodjelu sredstava obzirom da su za realizaciju ove inicijative neophodna značajna sredstva.

JAVNA USTANOVA DOM ZDRAVLJA
KANTONA SARAJEVO
GENERALNI DIREKTOR
BROJ: 01-05-1759-2/16
DANA, 19.04.2016. GODINE
SARAJEVO, VRAZOVA 11

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINA ILIJAŠ
OPĆINSKI NAČELNIK
SLUŽBA ZA DRUŠTVENE DJELATNOSTI
UL. 126. ILIJAŠKE BRIGADE BR. 6
71380 ILIJAŠ

Predmet: Očitovanje, dostavlja se

**Veza Vaš dopis broj: 07-37-sl/16 od 06.04.2016. godine upućen prema
OJ DZ Ilijaš**

Dana 06.04.2016. godine uputili ste prema OJ DZ Ilijaš dopis broj gornji, koja se nalazi u sastavu JU Dom zdravlja Kantona Sarajevo, u kojem se navodi da su vijećnici Općinskog vijeća Ilijaš na 39. sjednici održanoj dana 31.03.2016. godine dali slijedeće inicijative:

1. Da općinski načelnik putem nadležne službe i nadležnih u Kantonu Sarajevo, koordiniranom aktivnošću iznađu rješenje uspostave trajnog i sistemskog funkcionisanja ambulate porodične/obiteljske medicine u punom radnom vremenu u Mrakovu;
2. Da se riješi problem kontinuiranog pregleda i savjetovanje dijabetologa u OJ DZ Ilijaš;
3. Da se riješi problem kontinuiranog pedijatrijskog pregleda u drugoj smjeni najmlađih građana Općine Ilijaš, u OJ DZ Ilijaš.

S tim u vezi, u prilogu akta dostavljamo Vam primjerak prijedloga i odgovora iz OJ DZ Ilijaš broj: 01-19-267/16 od 12.04.2016. godine, a koji se tiču razmatranja navedenih inicijativa.

Također, koristimo priliku da ukažemo na činjenicu da je prema Odluci o utvrđivanju većeg obima zdravstvenih prava, kao i osnovama, kriterijima i mjerilima za ugovaranje po osnovu obaveznog zdravstvenog osiguranja sa zdravstvenim ustanovama sa područja Kantona Sarajevo («Službene novine Kantona Sarajevo» broj: 37/09) normativ za ovu oblast 70.000 stanovnika na jedan radni tim, iz čega je jasno da se ovakav vid zdravstvene zaštite za stanovnike Općine Ilijaš ne može organizovati svakodnevno. Posebno napominjemo da smo spremni da u koordinaciji sa lokalnom zajednicom, a nakon utvrđenih potreba stanovništva u narednom periodu planiramo da na neki način, a na obostrano zadovoljstvo omogućimo i ovaj vid zdravstvene zaštite stanovnicima Općine Ilijaš.

S poštovanjem!

Dostaviti:

- Naslovu s prilogom
- OJ DZ Ilijaš
- Odjeljenje za ljudske resurse
JUDZKS
- SPKOP
- a/a

GENERALNI DIREKTOR

Primio: Milan Miodković
spec. porodične/obiteljske medicine



**ORGANIZACIONA JEDINICA
DOM ZDRAVLJA ILIJAŠ**

Bogumilska 6, 71 380 Iliaš, tel. 033/ 584 351, fax. 402 585

e-mail: ilijas@judzks.ba

Broj: 01-19-267/16

Iliaš, 12.04.2016.

GENERALNI DIREKTOR

Prim dr Milan Mioković

Specijalista porodične/obiteljske medicine

Vrazova 11, Sarajevo .

PREDMET: Prijedlog odgovora na vijećničke inicijative sa 39. sjednice OV Iliaš

Poštovani,

U prilogu Vam šaljem prijedlog odgovora na vijećničke inicijative sa 39. sjednice OV Iliaš, ta Vas molim, ako ste saglasni sa istim, da bude prosljeđen Općinskom vijeću Iliaš ili da nadležne službe na osnovu ovog prijedloga i politika Ustanove, kreiraju nove odgovore.

S poštovanjem,

Dostaviti:

-naslovu

-a/a

DIREKTOR
Prim dr Nijaz Šitković
Specijalista otorinolaringolog



ORGANIZACIONA JEDINICA DOM ZDRAVLJA ILIJAŠ

Bogumilska 6, 71 380 Ilijaš, tel. 033/ 584 351, fax. 402 585
e-mail: ilijas@judzks.ba

Broj: 01-19-267 /16

Ilijaš, 12.04.2016.

GENERALNI DIREKTOR

Prim dr Milan Mioković

Specijalista porodične/obiteljske medicine

Vrazova 11, Sarajevo

PREDMET: Odgovor na vijećničke inicijative sa 39. sjednice OV Ilijaš

Na 39. sjednici Općinskog vijeća Ilijaš održanoj 31.03.2016. godine vijećnik SDA, Mahir Dević pokrenuo je slijedeću inicijativu:

1. Pokrećem inicijativu da općinski načelnik putem nadležne službe i nadležnih u Kantonu Sarajevo, koordiniranom aktivnošću iznađu rješenja uspostave trajnog i sistemskog funkcionisanja Ambulante porodične medicine u punom radnom vremenu u Mrakovu.

Odgovor:

Ambulanta porodične medicine Mrakovo počela je sa radom 11.10.2013. godine. Istovremeno je započeto prenošenje zdravstvenih kartona iz Centralnog objekta, poštujući pravo pacijenta na slobodan izbor ljekara, a prema Zakonu o pravima pacijenata. Odziv za prenošenje zdravstvenih kartona bio je slab (oko 300), a kao osnovni razlozi navodeni su nedostatak apoteke blizu ambulate i nepokrivenost ambulate timom u punom radnom vremenu. Puno radno vrijeme je bilo nemoguće i neracionalno uspostaviti na 300-tinjak prenesenih zdravstvenih kartona, pa se tu krug zatvarao.

Marta mjeseca 2016. godine sa radom je počela apoteka u blizini ambulate porodične medicine Mrakovo, pa je na taj način otklonjen jedan od razloga otpora prenošenja zdravstvenih kartona iz Centralnog objekta, ali ni ovo nije u mnogome pomoglo na dobrovoljnosti u prenošenju zdravstvenih kartona.

Povodom toga, uže rukovodstvo Doma zdravlja Ilijaš je održalo sastanak sa predsjednikom Mjesne zajednice Mrakovo početkom aprila ove godine, kako bi se što veći broj zdravstvenih kartona prenio u ambulantu Mrakovo, a da se ne krše prava pacijenata na slobodni izbor tima porodične medicine. Dogovoreno je da se sa nivoa lokalne zajednice izvrši kampanja kod lokalnog stanovništva o neophodnosti prenošenja zdravstvenih kartona u Mrakovo, kako bi se pomenuta

ambulanta održala u funkciji. Sa strane Doma zdravlja preuzeta je obaveza da se za početak izvrši kampanjsko prenošenje kartona prema adresi stanovanja, a da se zakonsko pravo slobodnog izbora ljekara od strane pacijenta omogući „naknadno“.

Na osnovu konačnog broja prenesenih zdravstvenih kartona na ovaj način (i uz „naknadno“ poštivanje prava pacijenata na izbor ljekara), Dom zdravlja će se odrediti i o opravdanosti uvođenja punog radnog vremena u ovom lokalitetu. Dok se ne postigne dovoljan broj kartona, da se iz Centralnog objekta može osloboditi puni tim (a to znači između 1300 i 1800 kartona), radno vrijeme ambulate u Mrakovu će biti ponedjeljkom, srijedom i petkom.

Treba napomenuti i to da je Služba porodične medicine već duži period opterećena manjkom ljekarskog kadra, a po osnovu dva porodiljska odsustva i dvije specijalizacije iz porodične medicine, pa će prije novembra mjeseca (povratka dviju doktorica sa porodiljskog odsustva i završetka godišnjih odmora) inače biti teško uspostaviti optimalno funkcionisanje Službe i u Centralnom objektu i u lokalitetima.

Na kraju izražavamo nadu da će zajedničkim naporom, kako lokalne zajednice, tako i rukovodstva Doma zdravlja, te uz razumjevanje pacijenata, ambulanta porodične medicine Mrakovo ipak profunkcionisati u punom kapacitetu.

Na 39. sjednici Općinskog vijeća Ilijaš održanoj 31.03.2016. godine vijećnik SBB-a, Akif Bešlija pokrenuo je slijedeće dvije inicijative:

1. Pokrećem inicijativu da se riješi problem kontinuiranog pregleda i savjetovanje dijabetologa u Domu zdravlja Ilijaš.

Odgovor:

Odgovor na ovu inicijativu bi trebalo dati rukovodstvo OJ Specijalističko-konsultativna djelatnost ili JUDZKS.

2. Pokrećem inicijativu da se riješi problem kontinuiranog pedijatrijskog pregleda u drugoj smjeni najmlađih građana Općine Ilijaš u domu zdravlja Ilijaš.

Odgovor:

Kao što je poznato Eminagić dr Diba – specijalista pedijatar nalazi se na godišnjem odmoru, a potom stiće pravo za odlazak u penziju i neće se vraćati u službu. Na taj način Dispanzer za predškolsku djecu u Domu zdravlja Ilijaš ostaje sa jednim pedijatrom, sa kojim je moguće organizovati rad dispanzera samo u jednoj smjeni.

Odjel za ljudske resurse JUDZKS je na vrijeme upoznat sa ovom činjenicom i kontinuirano traži mogućnost da se ova situacija prevaziđe prijemom novog pedijatra (kojih je nažalost na tržištu malo) ili prerasporedom iz druge organizacione jedinice, a u cilju ravnopravne dostupnosti zdravstvene zaštite za pacijente na području cijelog Kantona. Dom zdravlja Ilijaš ima jednu doktoricu na

specijalizaciji iz pedijatrije koju završava krajem 2016. godine, i tada se stiču uslovi za ponovni dvosmjenski rad Dispanzera za predškolsku djecu.

Dom zdravlja Ilijaš trenutno tešku situaciju pokušava prevazići angažovanjem postojećeg pedijatra za prekovremeni rad u toku trajanja sistematskih pregleda za upis djece u osnovnu školu.

S poštovanjem,

Dostaviti:

-naslovu

-a/a

DIREKTOR
Prim dr. Nijaz Šitkovac
Spec. otorinolaringolog